

Felsefeya cahiliyetê di îro de

Peywan Hesên

Got: Çend mehekan paş, em li welatê Norwêcê akincî bûn, rojekê ez bi xêzana xwe re, ji bo peyasê, derketim rexê bajêrî, ji nişkekê ve û ji bêşansiya wî jûjiyê xwelîser, çavê kurrê min yê deh salî pê ket. Yekser rahişt darekê û li dor teniştên jûjî zivirî ta ji hêz xist. Demê ku çavê polîsekê bi wî dîmenî dikeve, demildest jûjî ji nava dest û lepên me qurtal kir.

- Hûn çima lê dixin?
 - Goştê wî pîrr bi tam e!
 - Lê, wî jî canê xwe heye û wek we diêşe!

- Xwedê kujtina wî helal kiriye.
 - Hûn xelkê kûderê ne?
 - Em xelkê Îraqê ne.

Piştî van pirsyan, polis bi me re hat û navnişanên mala me li ser defterka xwe nivîsandin û her du rojên din, du kesên taybetmend dihatin mala me, tenê bi kurê min re rûdiniştin û basa felsefeya dilovaniyê bo wî dikirin.

Di van çend salên dawiyê de, her çu nebe, em hinek fêrî (dilovaniyê) û prensîpên demokrasiyê û bikarhanîna alavên wê bûn. Û heya radeyek mezin, boçûnên hevdiyê jî li cem me dihên qebûlîkirin, bi kurtî û kurmancî, kesê Kurdistanê îro xwedî kesayetiyeke cuda ye ji ya mirovê ereb, bi taybet ewê ku li bin desthelatdariya Bexdayê dijiya, ku bi baweriya min yêdî pîrr giran e tu herduyan di yek biryara siyasî, jiyûgrafî de bicemînî. Li Kurdistanê, niha nêçîra giyaneweran qedexê bûye û wek gunneh dihê naskirin, li aliyê din, li cem ereban hêj serjêkirina mirovan, wek cîhadek pîroz dihê qebûlîkirin. Dîrok dibêje, di çaxê (cahiliyan) de, pitirîya ereban û ji wan Omerê Kurrê Xettabî jî keçên xwe bi saxî binax dikirin, lewma li tolvekirinan, tenê bi xwarina goştê hevdu, rehet dibûn. Helbet ev çend

vedigere bo dijiwariya rewştê ereban, ku bi hişkiya siroştê biyabanê ve girêdayî ye, bi hêzên (fatihan) re ew rewşt weku kultur geha wan welatîyên nû hatîne vekirin û di nav wan de cihgîr bû. Bo nimûne, welatekê wekî Cezayirê, ku bi hezaran mîl ji Erebianê dût e û bi rêka Îslamê gelê wê bû ereb, niha kujtî û serjêkirina mirovan li cem grûpên wan yê îslamî karek pîrr asan û normal e. Bêguman, ev yek li ser Îraqê jî dihê gotin, ku di binyat de Îraq welatek erebkirî ye. Tiştêk din, ez dibêjim (vire) ku erebek çavşîn yan jî çavkesk û rûsipî hebe, ger ne duruh be, yan di koka xwe de ji nivşekê din be, bo nimûne, Mûsil (Nîneva) bajarek dîrokî ye û ji kevniya erebbûna Îraqê kevintir e. Lê, îro pîrr ji erebbûyên çavşîn û çavkesk û rûsipî lê hene û pitirîya wan jî baweriyek mezin bi kulturê Gezîrta Erebi û tund û dijiwariya wî kulturî heye, lê hember wan kesên erebbûyî, Mûsilîyê ne-erebbûyî jî hene ku hêj li ser riha xwe mane, kurd, aşûrî mirovên aştxwaz in û ji her dijiwariyekê dût in. Bi dîtina min, ya pitir vê yekê bi kar dihîne, germ dike, li cem erebbûyên tundurrew, peyrewkirina sîstemê lîbîral û bernameyê demokrasiyê ye li cîhanê. Herwesa berqerarbûna civakê medenî li pitirîya welatan, bi xwe yê kulturê Gezîrta Erebi, îro xwelwaz û bê desthelat û bername û kesatî lawaz li hember wan guherînan dibînin, lewra xwe bi dîrokê ve girêdidin, wê dîroka ku ser dibîrrîn û canên zindî binax dikirin. Ango, ya ku îro ereb dikin, em dikarin bi (selefiya cahiliyê) nav bikin, ku ereban herdem dîroka hêja naskirine û ta îro jî xwe pê serbilind dibînin.